

鞏縣志

華縣志卷之十三

華縣知縣李述武纂修

人物志

儒林

華志前代無儒林茲合文苑為一志尊子華子於首以開風氣之先樹訓行之準知文所以載道窮經以明聖教講學以闡絕緒毋繡帶悅飾虛車斯無媿儒林之稱矣至皓首屹屹勤躬修教後進有河汾遺風者亦多采取焉新合士林公論云志儒林

程木子

木一作本

華縣志

第三冊

卷之十三

人物

文獻通考皆人著書名子華子劉向校定子華子遠

趙適齊趙簡子使董安于寓書以招之子華子答書

曰主君之亡臣某不能束修越在諸侯以為主君憂

臣聞之物屬於所甘士屬於所守主君之亡臣不佞

而有四方之志其敢以為執事者之所辱夫邱陵崇

而穴成於上狐狸藏矣谿谷深而淵成於下魚鼈

矣松柏茂而陰成於林塗之人則陰矣主君之亡臣

不佞實有隱表惟執事者昭明其所存如日月之升

以光燭於晉國將四海之士重爾狎至以承主君之

令聞夫豈惟亡臣亡臣雖復野死以寘溝明其敢亡

主君之賜惟執事者材幸焉家語孔子之剡適齊程  
木子於塗傾蓋而語終日甚相親顧謂子路曰取束  
帛以贈先生子路扇然對曰由聞之上不中聞見女  
嫁無媒君子不以交禮也有問又顧謂子路子路又  
對曰初孔子曰由詩不云乎有美一人清揚宛兮避  
逅相遇適我願兮今程子天下賢士也於斯不贈則  
終身弗能見也小子行之

按家語孔子適齊程木子於途觀子華子答簡子  
書故達趙適齊而非齊人故文獻通考以為晉人  
而通志氏族略又以為齊人他書或以為內邱人  
夫內邱國晉地而後非齊分華子故甲地  
近虎牢當春秋晉城虎牢後已入晉迨春秋後三  
晉分地又入韓故國東以韓有成華華洛之險是

鞏縣志

第三册

卷之十三

人物

時鞏地實半入韓也如是則鞏有了華子故里乃  
與二通相合府志列子華子賢哲門而家未詳今  
定為攷

唐

劉允濟

唐書文藝傳字允濟河南鞏人其先出沛國齊彭城  
郡丞職六世孫少孤事母尤孝工文辭與王勃齊名  
舉進士補下邳尉累遷著作佐郎永泰哀公後十二  
世接戰國為魯後春秋獻之遷左史兼有宏文館武  
后明堂成奏賦述功德手詔褒答除著作即為來俊  
臣雅攝富姓以毋老丐餘年繁獄會赦免貶大吏尉

復爲著作佐郎修國史常曰史官善惡必書使驕主  
賦臣懼此權豈輕哉而班生受金陳壽求米僕乃視  
如浮雲耳遷鳳閣舍人坐二張版押除青州長史有  
清白聲巡察使路敬潛言狀以內憂去官服除召爲  
修文館學士既久斥書其與家人樂飲數日卒

### 杜審言

舊唐書文苑傳審言進士舉初爲隰城尉雅善五言  
詩工書翰有龍名然恃才驕傲甚爲時輩所嫉乾封  
中遷味道爲天官侍郎審言預選試判訖謂人曰燕  
味道必死人問其故審言曰見善判即自當殺死矣

### 業縣志

#### 第二册

#### 卷之十三

#### 人物

#### 三

又嘗謂人曰吾之文章合得屈宋作衙官吾之書跡  
合得王羲之其面其矜誕如此累擢洛陽丞坐事貶  
授吉州司戶參軍又與州僚不叶司馬崱季重與員  
外司戶郭若訥其構審言罪狀繫獄將因事殺之既  
而季重等府中酣譌審言子并年十二懷刃以擊之  
季重中傷死而并亦爲左右所殺季重臨死曰吾不  
知審言有孝子郭若訥我至此審言因此免官還  
東都自爲文祭并士友咸哀并孝烈燕題爲撰墓志  
劉允濟爲祭文後則天召拜著作郎俄遷膳部員外  
郎神龍初坐與張易之兄弟交往配流嶺外尋召授

國子監主簿加修文館直學士年六十餘卒有文集  
十卷次子閑閑子甫別有傳

〔施府志〕甫為鞏人則其由祖父宦鞏時遷居明矣且  
子美先生之田園多在鞏洛其跡尚可按也

和甫

舊唐書文苑傳字子美本襄陽人後徙河南鞏縣曾  
祖依藝位終鞏令祖審言位終膳部員外郎自有傳  
父閑終奉天令甫天寶初應進士不第天寶末獻三  
大禮賦元宗竒之召試文章授京兆府兵曹參軍十  
五載祿山陷京師肅宗徵兵靈武甫自京師奔道赴

鞏縣志

第三冊

卷之十三

人物

四

河西謁肅宗於彭原郡拜右拾遺房瑁布衣時與甫  
善時瑁為宰相請自帥師討賊帝許之其年十月瑁  
兵敗於陳濤斜明年春瑁罷相甫上疏言瑁有才不  
宜罷免肅宗怒貶瑁為刺史出甫為華州司功參軍  
時關畿亂離穀食踊貴甫寓居成州同谷縣自負薪  
採薪兒女餓殍者數人久之召補京兆府功曹上元  
二年冬黃門侍郎鄭國公嚴武鎮成都奏為節度奏  
謀檢校尚書工部員外郎賜紫魚袋武與甫世舊待  
遇甚隆甫性褊躁無器度恃恩放恣嘗憑醉發武之  
婦擊視武曰嚴挺之乃有此兒武雖意甚不謂為

角於成都浣花里種竹植樹結廬枕江縱酒肆  
田夫野老相狎蕩無拘檢嚴武過之有時不冠其傲  
誰如此永泰元年夏武卒甫無所依及郭英父代武  
繼表前英父武人處暴無能刺謁乃遊東蜀依高適  
與至節適卒是歲英父殺英父楊子琳攻西川蜀中  
大亂甫以其家避亂梓州扁舟下峽未維舟而江陵  
亂甫遂泝沔水入峽居夷陵未陽甫嘗遊嶽廟爲暴  
水所阻甫  
永泰元年  
宗武沉落湖湘而  
和中宗武子嗣業自  
人物

甫與李白齊名而  
達議甫雖疑而有飯穎山之喚請元  
論李杜之優劣曰予讀詩至杜子美  
有所繼萃焉始堯舜之時君臣以廢  
和是後詩人繼作歷夏殷周千餘年仲尼緝拾選  
預變化之尤若三百餘無所聞騷人作而  
怨憤之其繁矣猶去風雅日近尙相比擬秦漢已還  
採詩之官既廢天下如淫風歌頌賦曲度嬉戲  
之詞亦隨時賦作至漢武賦始興而七言之體興  
楚尤工爲五言雖句讀定

鄭之音亦雜而辭意簡遠指事言情自非有爲而爲則文不妄作建安之後天下之士遭罹兵戰曹氏父子鞍馬間爲文往往橫槊賦詩故其狀抑揚宛悲哀離之作尤極於古晉世風概稍存宋齊之間教失根本士以簡澀歛習舒徐相尙文章以風容色澤放曠精清爲高蓋吟寫性靈留連光景之文也意義格力無取焉陵遲至於陳梁滛艷刻飾佻巧小碎之詞劇又宋齊之不取也唐興官學大振歷世能者之文互出而又沈宋之流研練精切穩順聲勢謂之爲律詩由是之後文變之體極焉然而莫不好古者遺近務

華者去實效齊梁則不迨於魏晉工樂府則力屈於五言律切則骨格不存閑暇則纖濃莫備至於子美蓋所謂上薄風騷下該沈宋言奪蘓李氣吞曹劉掩顏謝之孤高雜徐庾之流麗盡得古今之體勢而兼入人之所獨專矣使仲尼考鍛其旨要尙不知貴其多乎哉苟以爲能所不能無不可則詩人以來未有如子美者是時山東李白以文奇取稱時人謂之李杜予觀其壯浪縱恣操去拘束模寫物象及樂府歌詩誠亦差肩於子美至若鋪陳始終排比聲韻大或千言次猶數百詞氣豪邁而風調清深屬對

律切而脫棄凡近則李尚不能歷其藩翰况堂與乎  
予嘗欲條析其文體別相附與來者為之準特病懶  
未就爾自後屬文者以雅論為是甫有文集六十卷

五代

李雄

王通志能詩莊宗同光甲申歲遊金陵成都鄴下各  
為咏古詩三十章以三國得時名聘國詩

金

盧亞

舊府志芝田人嘗讀書緱山正大中舉進士第一

鞏縣志

第三冊

卷之十三 人物

七

施府志接緱山舊隸永安金改為芝田今鞏芝田鎮  
有盧亞狀元坊其故宅在今芝田西北警店

元

張惟賢

歐陽元張公神道碑毅子惟敏弟有文名工詩碑祿  
禮部早卒御史宋瑩為作張方子傳

明

趙迎

舊府志鞏縣人嘉靖丙戌進士累官兵備僉事所在  
能稱其職少時曾讀書於青龍山之慈雲寺中晨夕



攻苦於書無所不讀尤精易數斷驗如神著範圍數  
二卷生平喜吟咏詩文已散佚惟慈雲寺後閣題壁  
詩石刻尚在

范 浩

〔舊志〕穎敏博學士類敬服成化辛卯舉人

崔 遇

〔舊志〕字六合博學文登辛酉舉人

張宏基

〔舊志〕績學能文兩阨副車任河陰教諭士子咸沐教  
育孫乾二通渭知縣

鞏縣志

第三冊

卷之十三

人物

八

國朝

孫汝工

〔施府志〕字帝垂師事張仲誠先生仲誠言性是工夫  
諸生多不解汝工曰工夫是性仲誠嘆為解人以舉  
人任河內教諭九年告歸士子思之為詩以疏論性  
靈為主著東園詩二卷

姚爾申

〔續通志〕廩生為學以窮心見性為根本深為湯潛庵  
耿逸庵所契賞湯云義理所見針芥不爽吾道之立  
不勝喜躍耿云英卓自立獨能於書冊中尋求大本

有希文永叔之風中州傳人意在斯乎所著有日知錄芸窗手草潛陽問答嵩談錄太極圖辨布庵說理學要旨詩文序跋類集共八卷藏於家

趙賜琳

續通志字玉林鞏縣人年五歲從父受孝經曉大義嘗啟其父曰人如不孝何以爲人父語以小學易行者輒行之十六通諸經旁涉子史有文名琳曰學非如是已也請於父從耿介受業介與關佛氏辨老莊論圖書經緯朱陸異同而與孫鍾元共解獨解之說闡發尤詳歸益力行親老不復應科目聚徒講學以

鞏縣志

第三冊

卷之十三

人物

九

明經終

孫又康

施府志字雪亭廩生精韻學著韻補數卷雪亭詩一卷後入魯山不歸其稿散佚鄉人惜之

關調鼎

舊志歲貢生幼喪母事父盡孝早入邑庠務博群書躬行實踐授徒鄉里蔚然負重望以明經老洛下士大夫惜之

趙作人

舊志字吉士康熙戊子歲貢以孝友聞嗜學爲文古

與邑令李公重之延爲義學師弟子著錄成名者衆  
選鄧州司訓未就年八十二卒

趙乘龍

舊志字御六歲貢生敏於文年少冠童子試後文益  
高而數竒以諸生終

孫曰明

舊志郡庠生工文章授生徒寒暑無間所成材甚多

趙國鼎

採訪事實字玉鉉早歲遊庠有神童之號長厭詞章  
之學毅然有志於道嘗採龜山夏峯兩先生操心說

鞏縣志

第三冊

卷之十三

人物

十

名其齋以自勵師事嵩陽耿逸庵先生先生嘗授朱  
子謂蔡季通老友不當在弟子列又稱爲真能從  
字下工夫其學大抵以求放心爲事以復性爲歸臨  
終命其子燁湯具衣冠沐浴而卒著有修學錄論海  
集語錄若干卷存於家

曹鵬翹

採訪事實字翰起甲子舉人與兄翊齊名性恬靜不  
與外事築廬東山下教生徒發明經傳與義補臨海  
丞攝政海關不名一錢上官器之任滿告休囊橐蕭

然止載殘書數卷

段爲章

〔採訪事實〕少隨父宦鞏遂家焉以詩見知於張道憲  
聘入幕後以老辭去結茅盤谷東塢更名太和吟哦  
其中以樂餘年有太和老人詩兩卷

孫祚長

〔採訪事實〕祚長增生與弟祚表庠生兄弟相切劘如  
嚴師保而友愛彌篤遂併知名河洛間

趙發軔

〔採訪事實〕拔貢生與兄發祥齊名兄中經魁而軔屢  
薦不售人情其遇邱公時嘗延修縣志

澤縣志

第三冊

卷之十三

人物

士

孫型堯

〔採訪事實〕增生與兄河內廣文先生皆近九旬猶授  
徒講學時季弟汝階亦年八十餘縣令雲南張公嘗  
造其廬兄弟三人鬢皆皓白杖履優遊張嘆羨久之  
贈詩有云五更妙義憑誰講三老風光與第嘗

謝栗

〔採訪事實〕字士材歲貢生性聰敏爲文醇正古茂屢  
試冠軍與堂兄杰齊名年七十餘選尉氏訓導勤於  
課士後告歸著有半醒堂詩古文集

孫作樞

採訪事實歲貢生爲文簡潔不務馳騁出其門者多有先正風格孫夢松亦歲貢生事繼母以孝稱

李思忠

採訪事實字薰臣年十四以背誦十三經入庠年十六學使閩中蔡公召至試院命背諸經至爾雅正文及註疏盡卷不錯一字公驚嘆購十三經注疏及全史贈之拔置優等乾隆壬午魁其經棟發陝西知縣未官而卒

孫樹烈

採訪事實少入庠鄉前輩語之曰汝祖之順公當明

羣縣志

第三冊

卷之十三

人物

七

李兵燹後人爭收遺粟敗繪汝祖獨拾殘書於灰燼中補綴之汝當光其業烈用是力學敦品後友教汝蔡間遂平李村石慎訥可額其堂曰古之學者孫同然廩生以博雅知名

劉百代

採訪事實字永傳甲子舉人性孝友母病馮十餘年炮製藥餌皆身親之不委奴僕和易愷悌人有盤錯事實之一言永釋爲文清麗兼工詩

孫萬書

採訪事實歲貢生以文章知名未得遇授徒家塾嘗

數十百人經指畫者文有法度善吟詩天真爛熳輒不存稿歿後但有白松詩百篇存篋中

劉表澹

採訪事實歲貢生爲文醇而能肆試輒雄其曹屢躋場屋教授生徒多所成就晚患聾專力讀書嘗日不舉火而文益進以文就正者引繩批根不少惜焉

于秉文

採訪事實歲貢生明敏好學試屢冠多士鄉場爲元未售人惜其遇選臨漳訓導不赴教授生徒門下多知名士

韋縣志

第三冊

卷之十三

人物

志

劉鳳翥

鳳翥

採訪事實兄弟友愛以勤學相勵著著然麓集破廬生以端方見重士林教後生精研近思錄小學家禮出其門者率能敦品

張獻錦

採訪事實性孝友廬父母墓爲弟獻秀取嗣撫若己子鄉里化之

張績

採訪事實好讀書建學延師有貧士力不足者悉周之成就甚夥孫耀南登成申科百高入國學

郝 燠

採訪事實貢生家貧力學授徒鄉里來學者常舍不能容所造多知名之士

趙仲璉

採訪事實字歸璞增生篤於孝友律已端嚴嗜書史學者多遊其門

焦 侗 焦 倬 人座名 琴音

採訪事實侗增生年十九與嵩陽景東賜同受知於學使閩中林公讀書能窺圖輿與弟倬並以詩古文辭鳴生徒多知名

葦縣志 第三册 卷之十三 人物 四

武應中

採訪事實舉人孝友成性力學務端品野令延以為書院山長多所成就

劉 誨

採訪事實廩生以文章知名兼精詩古文辭後生經指授者為文有法度

張無黨

採訪事實舉人力學授徒於家以植品為後生楷模

社生南

採訪事實歲貢生號宗川字召芟教人以立品為先

論文以理法爲要尤加意寒士著有制藝二才集遺稿晚年業醫精痘疹著有訂正神應心書二卷其民李某少孤其祖寄葬石子河西岸生南周濟之得與祖母合葬祖塋是年秋水大發河岸盡沒其深感之子雲喬登乙酉科

曾肅謨

採訪事實歲貢生以文章知名屢試冠軍數立不遇教授生徒多所成就著有印古堂文集二卷



鑿山川開氣而名臣出焉以經緯天地為天章以堯  
舜君民為事業樹人倫之所表為四海所仰望代不  
數人如鞏志前史漢尹司農之謀誅大慙解穉黨為  
宋蔡侍郎之抑右權執國法保賢臣大節謹言傾履  
朝野千餘年後先輝映蓋亦嵩邱河洛之精靈所託  
生也做施府志載之足為一邑光矣高山仰止豈在  
多乎志名臣

漢

鞏縣志

第三冊 卷之十三 人物

共

尹勳

後漢書本傳字伯元鞏人伯少曉為司徒兄頌為大  
尉宗族多居貴位者而勳獨持清操不以地勢尚人  
州郡連辟察孝廉三遷郎鄆令政有異迹後舉高第  
五遷尚書令及桓帝試大將軍梁冀勳參建大謀封  
都鄉侯遷汝南太守上書解釋范滂袁忠等黨議禁  
錮尋徵拜將作大匠轉大司農坐寶武等事下獄自  
殺

宋

蔡齊

...不傳少孤依外家劉氏...  
...端重真宗願寇準稱爲得...  
...景德寺文羅崇...  
...泰政久之不上崇勲譏之罷知河...  
...改密州徙應天召爲...  
...皇太后崩遣詔尊楊太妃爲...  
...始親政事豈宜使女后相踵稱制乎...  
...明道二年拜樞密副使太后妬...  
...龍圖閣學士

王蒙正子齊雄坐殺人除名未更赦復官齊入奏以  
恩廢法如朝廷何帝命降一等齊執不可帝勉從之  
惟演附丁謂逐寇準併削其樞密題名齊言準忠義  
乃社稷之臣豈可爲奸黨所誤得不去上將立富人  
陳氏女爲后復極論之景祐二年拜禮部侍郎叅知  
政事與王曾素善坐呂夷簡與曾不相能罷爲戶部  
侍郎出知潁州時請立州學從之卒年五十二贈兵  
部尚書諡文忠無子立從子延慶爲嗣延慶字仲遠  
登進士通判明州歷福建通判提點京東陝西刑獄  
...校理爲開封推官...  
...誣卒爲大

八直反坐告者加直史館知河中府召入同修起居注直舍人院兼判流內銓拜天章閣待制出爲秦鳳路都轉運使以應辨熙河軍需功進龍圖閣直學士以言罷知滁州歷瀛洪二州復帥高陽定武元祐中入爲工吏二部侍郎卒年六十二賜錢卮葬延慶有學問平居簡默遇事能別白是非所至有惠政齊後得遺腹子乃歸其宗凡家所有悉以付之無一毫自取萊人義焉

人物志

政績

士君子出為世用莫不思以設施自見大而岳牧小而丞尉狂狷不同績則均焉邑隸仕版者忠信之長慈惠之師不乏人其廉隅自厲尤多志中所彙載可也錄屏風假緋魚其亦思所奮興也歟志政績

晉

嵇含

晉書本傳字君道祖喜徐州刺史父蕃太子舍人好

琴

第三册

卷之十三

人物

九

學能文家在鞏縣亳邱自號亳邱子門曰歸厚之門室曰慎終之室齊王冏表為征西泰軍封武鄉侯性通敏好薦達賢才後劉宏表為平越中即將為郭廳所害懷帝諡曰憲

北魏

張宗之

魏書本傳字益本鞏人家世寒微父孟舒劉裕西征假洛陽令及宗之貴幸高宗贈孟舒平南將軍洛州刺史宗之諡曰貞初緜氏宗文邑聚黨於伊闕謀反追奪孟舒等文邑敗孟舒走元魏宗之被執入京

充腐刑以忠厚謹慎擢爲御史中散賜爵鞏縣侯尙書領中秘書進爵彭城公出爲散騎常侍寧西將軍東雍州刺史以在官有稱入爲內都大官出除散騎常侍鎮東將軍冀州刺史又例降爲侯太和二十年卒年六十九贈建節將軍懷州刺史謚曰敬

張鸞旗

魏書張宗之兄官中書侍郎東宮庶子兼宿衛給事加寧遠將軍賜爵洛陽男轉殿中給事常侍卒贈洛州刺史謚曰靖

宋

鞏縣志

第三册

卷之六三

人物

三

張堯封

宋溫成皇后傳河南永安人祖頴由進士終建平令父堯封孝謹好學登進士爲石州推官早卒追封中書令清河郡王謚景思

張堯佐

宏簡錄本傳溫成皇后世父舉進士筠州推官吉州有道士與商人夜飲商人暴卒道士逃爲邏者所獲捕繫百餘人轉運使令覆治得其寃改大理寺丞知沁水縣後遷殿中丞知犀浦縣因地狹民繁多田訟堯佐爲正其疆界條象弊以曉之訟遂簡擢知開州

時溫成方爲修媛欲以門閥自表與故堯佐稍進用  
知開封加龍圖閣直學士給事中端明殿學士諫官  
包拯等言不宜驟用改戶部侍郎尋兼淮康軍節度  
宣徽南院景靈宮四使又賜二子進士出身吳奎等  
復以爲言堯佐辭宣徽景靈二使以宣徽使判河陽  
從鎮天平軍卒贈太師堯佐初起寒士持身謹畏頗  
通吏治曉法律子山甫引進副使樞密副都承旨后  
父堯封幼從學稽顙所爲文多留顙家後令堯佐詣  
顙求編次其稿爲序以獻顙不答亦不以獻

元

鞏縣志

第三冊

卷之十三

人物

三

張恩

歐陽元清河張公神道碑其先解人後家鞏遂爲鞏  
人金季爲嵩州安撫使以謹論與達官齟齬勇退家  
居至元間授鞏令有仁政人號張佛以孫貴贈嘉議  
大夫禮部尙書上輕車尉追封清河郡候

張思敬

曹元用清河郡侯碑思敬初襲尹鞏改沁鄆陵沁水  
洛陽大名鄒平凡六縣陞江陵總管府判官知均州  
醴陵州揚州路總管皆以善治顯大名戡飢輒發廩  
以賑敬謂同列曰救飢如解倒懸若需部報則道其

殫矣苟以專擅獲戾吾其獨坐先是江陵水漲則澤  
沒瀕江廬舍廼急築防防完而水大至民免於昏墊

張毅

歐陽元張公神道碑字彥宏思忠子為績溪尹累官  
至江浙叅政偉器雅望歷踐華貫為時名卿引年間  
居福壽鼎盛至正間贈推誠翊正贊理功臣奉政大  
夫河南江北等處行中書省叅知政事護軍追封河  
南郡公諡忠肅南畿志名宦傳毅大德中為績溪  
尹歲饑勸富民分賑復置義倉儲粟有飛蝗蔽空群  
虎入境禱於忠烈廟是夕大風雨蝗盡滅又有猛獸  
如彪逐虎食之民立石以記終叅知政事

鞏縣志

第三冊

卷之十三

人物

三

張惟敏

歐陽元張公神道碑字孟功泰定間以儒官補集賢  
院掾吏累官至河南江北等處行中書省叅知政事  
後封梁郡公諡文定

曹鐸

施府志山東道宣慰副使轉雁門關三邊總督至元  
十四年誥贈譙國公

明

張祺

施府志博通經史精法律爲人醇厚端確洪武二十年與同邑康寧皆以才德舉祺授廣東叅政康授監察御史

劉登

舊府志字升高進士仕行人轉戶部員外郎以茹疆不靖奉命持節鎮守交趾代尙書黃福行節鉞事南土率服陞叅議總督糧儲自陳致仕年九十二卒祀鄉賢

竇祥

舊府志字文瑞成化辛丑進士知安邑縣政成拜貴

登縣志

第三冊

卷之十三

人物

三

州道御史遇事敢言卒祀鄉賢

劉遜

舊府志字輿謙舉人授兵部司務以意勤著名調吏部又補都察院司務守官惟謹蒞事惟勤無玷官評卒祀鄉賢

馬隆

舊府志字世昌成化己丑進士初任桐廬令擢御史巡視直隸遼東功績茂著轉山西僉事擒白蓮教王銀等晉本司副使推舉提學士類一新年九十二卒祀鄉賢



示容

萬姓統譜鞏縣人宣德中舉賢良任周府審理

張可久 張可舉

舊府志久任永年令善於教民事修舉開闢溉田民

永利之卒祀鄉賢弟舉知新安縣事亦稱循吏

楊世法 楊葉新

舊府志世法生平介直不妄與人交初任合水縣持

法公平不播於私擢平涼同知廉潔有守民歌來慕

子葉新字無染好學有文名以恩貢任太平通判覆

支收懲奸滑屬邑多盜設法戮其渠魁盜遂息尋陞

鞏縣志

第三冊

卷之十三

人物

三

陝西寧羗州知州

康紹先

舊志字緝武由貢生任洪洞主簿轉內黃丞署內黃

滑二縣事歷官九載公正廉潔賢聲所在多有致仕

歸黎民攀道不忍置

趙景星

舊志力行孝友弟早卒撫養孀孤里人賢之知獻嵐

二縣有意政祀鄉賢

國朝

原鳳起

施府志字象閣貢生

國初授陝西褒城縣草昧方始兵戈旁午倉庫空虛百

方經理著空城賦以寄慨

張乾二

施府志字見龍授通渭知縣徇賊作亂極力捍禦至

今通渭民猶尸祝之

閻際和

舊志以才能擢口邑令勞心撫字士民頌之未載

謝杰

施府志字士超以進士任深澤縣有治績紀畧人謂

鞏縣志

第三冊 卷之十三 人物

五

其言多不愧云

曹鵬翊

節曹秀先所撰傳字萬如父大先司訓新鄭奉檄辦

河工館不戒於火翊衝烈焰以濕衣裳父掖之出父

以倅卒居喪盡禮雍正丙午舉鄉試第二補官和平

和故巖邑俗好鬪翊為立鄉正擇老成慎重者教之

而以禮優待讀書者俗漸感化邑產鈎吻毒草捐俸

買其根焚之復為文祭山靈種為絕和之窮民恃海

濱煎鹽為生後鹽產絀且胥黨奪其利民散為盜與

之不止翊請上官發夫役疏潮口鹽產以盛又請嚴

禁胥黨民漸歸舊業政暇爲詩賦古文辭著有大中  
講義自適集尙友編存存詩草又善書畫片紙皆爲  
入珍率於官

馬大成

探訪事實禹州訓導州嘗過象男女聚觀象奴因以  
爲姦有武生某不勝憤毆之長官欲治生罪大成力  
爭獲免禹人義之

張檜榮

探訪事實舉人由孟縣教諭保題郟縣知縣詰奸如  
神有府憲役帮訟爲奸立柱稟府革退人服明決

鞏縣志

第三冊

卷之十三

人物

三

人物志

武功

著績堯鏊立勛銅柱固無負鷹揚選矣若怯弱書生  
信義素孚鄉御振臂一呼壯士雲赴殲賊馘渠以保  
城邑仁者必有勇誰謂三寸毛錐不如長鎗大戟乎  
志武功

元

張思信

曹元用清河郡侯碑思信以百夫長從征蜀攻釣魚  
山冒矢石陷陣授忠翊校尉攻襄陽擐甲先登墜而  
復上者三矢貫甲中股竟執俘以還遷昭信校尉佩  
金符管軍上千戶

明

趙成

施府志明太祖起兵以從龍功於洪武元年任錦衣  
鎮撫司指揮僉事甲子授階明威將軍永樂八年病  
終京師奉旨葬祭

霍敏

採訪事實洪武三年敏授昭信校尉四年征蜀到巖  
塘并征雲陽萬州重慶順慶保寧等處九年調沅州

衛十年征思州靖州等處蠻洞十六年調平越衛右  
所後征大小麻哈等處父信贈昭信校尉管軍百戶  
張泰定 張本附

〔施府志〕廩生崇正十二年大饑人相食盜賊四起李  
際遇作亂於登封結申張任三營爲羽翼土寇王升  
以衆應之聚至五千餘人邑令宋文瑞檄馬指揮協  
同魏典史捕之屢縮不前賊勢愈熾逼近城邑泰定  
率鄉勇白玉舉等明賞罰勵以忠孝遇賊於口頭村  
一鼓殲之斬百餘人邑人張本善設計使木庫等夜  
半斬升首賊黨遂平

鞏縣志

第三冊

卷之十二

人物

天

國朝

劉體成

〔舊志〕由行伍軍功授山西大同府偏關營掌印守備  
分鎮榆林堡五年安堵無事有鎮邊之功

陳國用

〔舊志〕原名龍由行伍出征有功授湖廣興國營守備  
陞參將

人物志

忠節

昔顏魯公罵賊云吾守吾節死而後已古君子仕於  
入國遭時不幸肝腦塗地以殉彼豈欲爭後世之名  
哉憐其中而已然千載下述其事如嚴霜烈日之可  
畏何其偉歟志中所載青衿報國讀書真種子無愧  
矣至間巷細民下及隸役奮其毅然之氣凜凜如生  
尤可敬也夫擔圭擔爵沒而等於弱草輕塵者何限  
而茲得以輝映簡冊何其幸歟志忠節

元

卷之十三

人物

三

元

張裕

李通志字康伯鞏人惟敏子由御史臺知班歷官左  
丞相妻韓氏贈梁郡夫人子師常國學生元末城破  
全家死節 [明史]徐達傳順帝北去踰日達陳兵齊  
化門填濠登城監國右丞相張康伯等不降斬之其  
餘不戮一人 裕字康伯明史書  
字殆以字傳與

姚若時 姚丕顯 姚城

明史忠義傳若時鞏縣舉人任鳳陽通判居六庄崇  
正庚辰土寇李際遇倡亂執若時誘之降大罵死族  
諸生不顯亦死之若時子城思報父讎請兵討賊賊

執之於路亦抗罵死 禮縣志若時字揆夫鳳陽通  
判分鎮潁州嘗除隣盜陶浪子民賴以寧丁艱歸值  
土寇亂同姚麟徵率族衆禦之親冒矢石數被重創  
寨破猶力戰不屈賊獲其弟剗心剗皮迫令若時從  
若時瞋目曰我朝死官豈屈賊耶遂自刎死時年七  
十三賊裂其屍家人馬連収其骸於海子池山中  
城庠生數請兵復仇謀洩被執罵賊死妻王氏亦  
井死

姚麟徵 姚鳳徵

施府志麟徵字瑞一廩生土寇李際遇占鞏鞏山

鞏縣志

第三冊

卷之十三

人物

三

徵世居魯莊正當賊衝知縣檄授練總上官授以  
師銜命勦賊土寇益猖狂麟徵偕族人姚若時姚  
等謀守寨賊攻之甚急堅守月餘值大雨外獲不  
寨破麟徵率族猶力戰不已賊獲其弟鳳徵碎剗之  
鳳徵罵不絕口死麟徵母郭投繯死妻楊氏妾三  
俱投井死其餘家口麟徵持刀先驅入井後亦投  
死時年五十一計同時殉難者一百四十三人  
聞於朝贈麟徵教授立祠奉祀廕其子

姚丕烈 姚丕振

王通志鞏縣人皆諸生禦賊爲賊所殺

姚 遜

〔施府志〕居六莊同若時麟徵禦土賊寨破同日死節

趙發隆

〔舊府志〕鞏諸生性好學杜門教授寇至或勸其禮賊乃叱曰讀書以節義為重今日豈可改易乎遂被害

張燦斗

〔施府志〕增生流寇至協力守城城破殉節

李魚躍

〔施府志〕於城南七里堡遇流賊逼之降大罵賊怒砍死於馬家墳子庠生騰采孫庠生秩同時被傷未死

鞏縣志

第三冊 卷之十三 人物

三

秩老猶時述其祖節烈云

韓山斗

〔施府志〕歲貢生流寇圍鞏山斗登陴固守遙指賊寨大罵城破被執至城下投井死

原魁光

〔施府志〕邑民守東門為流賊所傷城破投南門井中死

杜三印

〔施府志〕三印縣役守西門城破自縊於樓上

劉君德



施府志土寇至被執脅之降不從以刀恐之益罵賊怒碎其首死舊志德遇害賊亦引去洛北人有識德者收德屍得其橐中一百金悉以付德家是亦義士惜失姓名附記之

喬作霖

豫變紀畧擊人流寇破鞏縣作霖遇賊不屈其妻李氏抱霖屍而哭亦被殺

人物志

孝義

語曰山之民多仁豈孝義之行自昔已多水土樸厚使然矣廬墓讓產折券捐粟有動於中徬徨詩勃而不能自已豈惟民俗之醇抑亦

國家教化之盛也志孝義

漢

田真

續齊諧記與弟田廣田慶共議分財生貲皆平均惟堂前一株紫荆樹其議破三分明日就截之其樹即

華縣志

第三冊

卷之十三

人物

重

枯死狀如火然真往見之大驚謂諸弟曰樹本同株聞將分斫所以顛顛是人不如木也因悲不自勝不復解樹樹應聲榮茂兄弟相感合財寶遂為孝門仕至大中大夫

施府志按其事蹟不見正史惟齊諧記云京兆人然其宅里墳墓俱在鞏李濂志書之自當載入但時代無考陸機豫章詩中引之有三荆同株句似非同樹人濂定為晉人不知何據

元

張憲忠

歐陽元張公神道碑字誠之息子仕至嵩州司竹監  
不樂爲苛征棄去卽不復仕性孝友親疾晝夜不解  
帶其兄從軍襄樊三月書不達二親憂之公徒步至  
兵間不避鋒鏑卒獲安耗歸寧其親一日謂其兄弟  
曰古人有十世共爨者今何爲不然得非俗之不古  
與兄弟感其言不敢謀析處鄉隣族郇多所周卹以  
子毅爲中書叅議贈集賢直學士大中大夫上輕車  
都尉封清河郡侯

明

魏敏

鞏縣志

第三冊 卷之十三 人物

書

中州人物考魏進士授吏科給事中以母病請告歸  
省未至而母卒敏卽之墓所哀痛水漿不入口者五  
日廬墓三年旦夕衰服哭奠如初喪鄉里稱其孝洪  
武二十六年以守臣請旌其門

康紹光

通志字誠一諸生時流賊圍城父在城酣醉負父逃  
行十餘里吐血數升又行十里父方醒得免於難嘉  
靖己酉登鄉薦知昌黎縣因親老致仕卒祀鄉賢

李寅

通志鞏人母喪廬墓三年有白鶴來棲之感父喪亦

如之分巡商臣題請旌表後以明經任衡水教諭

周一貢 曹清 張紀

〔舊府志〕俱鞏人親死廬墓一貢廬父母墓並廬繼母墓野居九年觀風使旌之

康宗文

〔舊府志〕鞏縣廩生母病自刺其股取血和藥飲之病尋愈

曹俊英

〔施府志〕天啓間廬父墓三載巡按邱經其墓群鳥環繞不去訪知其事巡按遂詣其廬具禮題請旌闕

鞏縣志

第三冊 卷之十三 人物

三

趙見賓

〔施府志〕事親孝樂善好施百有一歲舉鄉飲賓又十七年卒

趙延亨

〔施府志〕父紀力行善亨繼其志歲餓輸粟一千石賑濟邑令申請旌表

趙燧

〔施府志〕甫六歲即以孝聞父病躬親湯藥偶假寐聞父呻吟聲輒驚起問故父歿葬祭不燕客不作佛事鄉人化之

魏進忠

〔施府志〕萬歷間輸粟一千石賑濟邑令申請旌表  
謝廷獻

〔施府志〕廩生性好義明季盜起盡出財粟濟貧困大  
修壁壘結寨救援六年內耕桑不擾聖人賴之

邵良知

〔舊志〕郡庠生明季流寇猖獗避居土寨以保一鄉寇  
抵寨下率眾下石傷賊無算寨破被執身受十餘刃  
推棄寨下越一日乃甦壽八十餘

國朝

等縣志

第三冊

卷之十三

人物

美

趙季芳

〔施府志〕順治辛卯亞元歲旱荒出穀麥千斛贖卹鄉  
里全活甚衆任鄆城教諭遷衛輝府訓導造士有方

張昱斗

〔施府志〕明季斗懷絲赴河北易粟養親遇寇哀祈憐  
而釋之順治間以貢生任柘城訓導

孫之緒

〔施府志〕字克績貢生明季尙幼出構糧遇賊奪其米  
泣曰有母在寇曰幼子知念母孝子也還之後渡河  
年十五卽儼館授徒順治初入庠食餼子三長祚隆

廩貢生以孝友稱事親左右孝養唯謹仲祚廣廩生  
季祚遠貢生皆以文學知名

康晉吉

〔施府志〕明季負母避亂河北象競渡母落水吉急投  
河救母舟人投篙乃得上兄早逝吉撫兄子如已子  
歲饑人多流徙吉出所積糧不責券人賴以安

趙朗

〔施府志〕字明陽庠生明季負父逃難備嘗辛苦

李嗣白

〔施府志〕貢生幼失怙家貧負薪供母夜歸誦讀不輟

鞏縣志

第三冊 卷之十三 人物

七

邑介表其間

謝託予

〔施府志〕貢生少孤事兄甚謹鄉人德之

張越

〔施府志〕字伯遜舉人性孝雖家貧不給能得父歡心

住陳州學正

于乘龍

〔施府志〕庠生順治間遞送銀兩泚水以無驛推卸龍

請上官止送泚水于署前立石記事按舊縣志示免地方差徭

曹大先

施府志貢生父含雅稱孝先又以孝稱備色養任新鄭訓導上官委辦河工以勤事死

劉王輔

施府志事繼母稱孝友愛異母弟迎養舅氏歿具棺葬之歲歉蠲米賑饑全活甚衆雍正間公舉授正八品

馬 駮

施府志庠生事親孝處鄉黨謙謙白下或侮之若無覩遇歲荒數出粟賑親族多沾其惠

徐應奎

鞏縣志

第三冊

卷之十三

人物

三

施府志父病奎禱神祈以身代疾尋愈老而益健諸弟無室者釐襲爲周全

喬見龍

施府志庠生童時聞人說溫清輒曰我當爲之父璜庠生早歿見龍事大父備色養人曰璜有子璜不及矣

卻宏緒

施府志偃人有鬻其孤者締撫之爲娶妻聞其祖卒無所歸緒給銀米使歸葬

楊淑塗

施府志字仲賓師事高陽耿逸菴先生居鄉以孝友稱

孫炳然

施府志字文甫庠生事親以孝聞取與不苟同邑諸生嘗條舉孝廉二十事於學憲已准題請炳然聞之力拒不可諸生益重之

張鞏

施府志廩生性孝行事端方為人所重凡邑中有大修建必推為首以子檉榮貴贈修職郎

謝檀

鞏縣志

第三冊

卷之十三

人物

三

施府志性謹厚少失怙恃待庶母及弟璞孝友彌篤撫姪如已子救貧濟急未嘗有德色

劉復泰

舊志以濟人為心疾病婚喪尤其所急邑令申請旌獎

曹含雅

舊志字子素貢監生三事繼母肫誠曲順不少違以忍讓教其子讓田焚券善行尤多

趙藥

舊志歲貢生季芳子克繼孝行孀母守節為育其子



孫多収瘞郭外遺骸

趙賜珙 趙賜牲

〔舊志〕朗子邑大饑賙卹族黨得延殘喘弟賜牲每焚券不賣逋雍正十二年洛水溢牲命子分粟賑活百餘家郡守劉旌其門

朱同升

〔舊志〕貢監生年十一喪父事繼母以孝聞

趙發育

〔舊志〕五歲時父病醫謂宜地黃汁育潛至景山麓不識苗乃大哭耕者憐之為代採送歸

鞏縣志

第三冊

卷之十三

人物

甲

蕭永祚

〔舊志〕太學生母安氏病篤額神祈以身代尋愈喪葬不用浮屠一遵家禮

趙漢

〔舊志〕邑庠生母歿兩事繼母盡孝視姪如子衣履不使少異

徐文正

〔舊志〕性孝歲饑自禹州負米歸道遇賊欲劫之正泣以實告賊憐而還之精醫貧者施丹給米子應庚庚

子副榜

張星良

舊志吏員歲歉運糧千里外供親膳餘以贖族黨

劉銳

舊志庠生父母皆病廢卧榻銳侍湯藥飲饌十餘年  
事孀嫂如兄亟力請旌以彰其節子百代甲子舉人

李昇雲

舊志事親不以造次顛沛間人稱孝子烟侵親日  
日夜禱祈尋復明蓋孝所感云

劉王心

舊志篤孝友兄弟同居終身不分儲爨

華縣志

第三册

卷之十三

人物

聖

孫景舜

舊志親歿扶匱對畫像輒哭一年竟以思親歿

趙于容

舊志明季賦役繁重族皆逃亡于容身負重累無怨  
言後兵亂亦逃亂定後族逃者先歸瓜分其產于容  
歸不與爭族皆感泣舉鄉飲賓

劉玉璽

舊志邑庠生賑饑荒設義學家西與偃師接壤出金  
買路行者便之今名劉公澗

趙錦

舊志兄弟相睦... 以救人之難... 以名告

張三聘

舊志邑庠生好義... 施棺及... 不倦

姚允猷

舊志例貢生邑大饑... 鄉人欲逃... 給存活者眾... 共鑄石道左記其德

姚紹德

舊志叔父困於歉歲... 白鬻莊以相全... 活有趙姓窮無

華縣志

第三冊 卷之十三 人物

三

告周之至老不倦... 掩路斃尤多

劉毓祿

舊志家析居在城... 獨在村奉母二十年... 嘗買土人... 死祿為斂而瘞之... 修東門石橋以貲助役

孫士相

舊志歲饑出粟為... 人完官逋不索... 償施棺... 能葬者買地修... 道便行人

孟祥場

舊志慷慨好義... 修橋黑石渡... 邑令旌其德

張悅

舊志悅備工養母母所嗜物百方搆少許遺母母  
即喜躍于前歿殯葬皆竭已力見人即勸行孝見  
善錄

張 財

舊志性孝友親歿兄弟有過輒於木主前引咎自責  
皆相戒不敢有小嫌焉子輝曾邑庠生亦以孝友傳

王朝重

舊志重設立茶棚濟行人渴施藥餌不索植家臨通  
衢大雨水漲多方救護鮮病涉者邑令主旌其門

邢名世

葦縣志

第三冊 卷之十三 人物

聖

舊志有趙姓傭歸遺金一鎰於路名世拾以還之有  
司旌其門

李子希

舊志兄歿嫂王氏守節希撫姪成立竭力為嫂請旌  
汧路大漲男婦寢食無地希多方安全見雅中丞彰  
善錄

孫畏蘭

舊志幼喪父事孀母孝兄弟同居七十年年老姪孫  
輩欲析產蘭以一子與姪孫三分無私乾隆二年舉  
壽官

董珪

舊志服賈至虞城路拾遺金一...  
還其入並失者酬之不受稟虞城冷台...  
字關送筆

喬乘龍 喬吐鳳

舊志龍太學生兄歿事嫂如兄撫姪吐鳳曲...  
宗族待以舉火者數十家恩事母亦孝待疾不...  
帶終身事叔姪如事父

張應甲

舊志太學生兄歿分財產獨厚兄子

卷之二十三

第...冊

卷之二十三

...

李正偉

舊志太學生母歿...  
...

張士衡

舊志以醫濟人買書...  
士衡傾囊與貧欲嫁...  
...

尚 藝

舊志雍正九年歲饑在南山口西...  
...

...

舊志太學生力行善事張家船通衢捐金建茶亭鄉  
人名曰惠濟

張萬貴

〔舊志〕郡庠生人有不能舉母喪及嫁娶者皆厚助之  
金不惜邑令張旌其門

仇長正

〔舊志〕山西人賈於豫遂家學有李姓負銀二百餘正  
憐其困焚券無德邑

趙持衡

舊志性耿介面折人過咸服其直而施與不倦貧者

鞏縣志

第三冊

卷之十三

人物

望

賴焉

賀進

〔採訪事實〕明季諸生遭亂結寨自固為流賊李際遇  
所破進奔魯庄寨尋又破見獲叱賊曰頭可斷不從  
爾賊怒將殺之中有欲脫進者佯曰予仇進深將手  
刃甘心乃得脫

孟亮元

〔採訪事實〕學務實踐以敦倫持品見重士林由舉人  
任鄭州學正孫輝宗登壬午科亦以孝見稱

李大鯤

採訪事實歲貢生敦孝友應童子試冠軍爲文才氣  
俊逸竟以諸生終士林惜之

張紹倫

採訪事實康熙年間紹倫弟紹紀之野遇虎村農叫  
號莫敢近倫持巨斧直衝虎虎咆哮迎倫倫以斧劈  
其首虎仆衆以鋤斃之竟攜紀歸

王修身

採訪事實以庠生例貢少能順親親嘗語人曰此子  
不在側吾食不甘事長兄尤謹飲食出入無敢先性  
喜施鄰里有喪葬婚姻不給者量力助之嘗施義塚  
地一區以便貧無墓地者

學縣志

第三册

卷之十三

人物

樂

趙廷賓

採訪事實邑庠生醇謹好禮事繼母人以孝稱年老  
勤學訓士多所成就生三子梅杰植俱太學生

馬懋生

採訪事實庠生資性純朴以孝友端正見重士林教  
子孫力學處鄉以忍讓爲主有犯者亦勿與校子溫  
增生孫夢錫敷錫丙午鄉試同榜君錫遊太學人謂  
積德之報云

姚允修

採訪事實太學生少從伯父岳生先生學以敦行孝弟爲本內艱後爲寢父側三十餘年族里甚重之

徐士玠

採訪事實善睦族有太高叔祖居偃師四世喪在淺土無嗣玠爲返葬舊城近門有貧不能室者玠爲婚娶以子洛南貴興修職郎洛南陝州訓導課士有方告歸後陝人思之

馬懋才 馬懋林

採訪事實才太學生性篤友愛欲兄專力於學自任家事弟林尙幼善撫之林後入大學而才早世林撫才所出如已子才有孫慶魁雲同雲榜皆早入庠

張 忭

採訪事實字怡菴性孝友事繼母無間言母卒未及葬洛水暴漲宅中水深數尺忭撫棺號泣自夜達旦水退得無恙胞弟懷從受學同卧起者二十年嘗授徒錦陽多所成就知名士凡十餘人以貢生選汝寧府訓導卒於官

焦克讓

採訪事實庠生性篤孝怡怡色養始終不倦親喪葬祭盡禮





崔徵珣

採訪事實性孝友樂善不倦康熙六十年歲大饑粟以濟鄉人全活者甚眾

張秉正

採訪事實增廣生以孝友稱年荒出粟濟人鄉眾多賴以生子漢如江如孫毓麟俱有聲賢序

劉漢玉

採訪事實性醇謹動必依禮訓里御以敦行日數十人傾聽咸為向善焉

崔錫命

登縣志

第三冊

卷之十三

人物

哭

採訪事實庠生兩事繼母委曲承順無稍違待異母弟無間言尤能植躬勤學

曹從周

採訪事實幼失怙恃朝夕食必哭奠叔父沒未葬室焚焰烈跣足奮入火為殺威竟扶柩出

焦隆祚

採訪事實增生嗜學耄而彌篤動遵禮法鄉里推重路國正

採訪事實監生歲歉嘗出粟貸鄉折券不求償有桀黠犯之者閉門不與校

馬定清

採訪事實庠生性孝友贖人困乏有不能婚葬者罄貲周之

祖文炳

採訪事實庠生性喜施族中有不能為其子婚者炳各代為聘娶以延其嗣

姚汝智

採訪事實與弟汝賢俱大學生伯仲相友愛所出諸子凡九人皆和睦如同胞即比鄰或不能辨其伯仲所出

華縣志

第三册

卷之十三

人物

五

李維城

採訪事實庠生事繼母孝年六十餘侍疾猶親奉湯藥晝夜不懈諸孫請代曰此吾事也何可代母歿撫弟有恩子鏊太學生

姚祥兆

採訪事實太學生為叔父嗣母老病癱與妻子分直侍晝夜歷久不懈有寡嫂賴兆周恤得以完節

李善統

採訪事實例貢生早孤母孀居叔父母撫之有恩長事孀母與叔父母始終如一葬親後廬墓三年

遂 燦

採訪事實燦慨樂施康熙六十年歲饑人多就食他鄉燦不忍出藏金數百散給村眾眾各出地券與之燦悉焚其券前令張旌其門子公輔亦以善稱

姚久安

採訪事實年十三遭父喪夜飲泣哀袖盡濕不令母知族中前輩奇之長能謹身奉母以孝稱

劉鴻誠

採訪事實太學生居家孝友慷慨好施修學宮書院城垣等公事有力焉邑侯何旌其門

鞏縣志

第三冊

卷之十三

人物

五

杜君錫

採訪事實太學生少陵先生三十二代裔少陵祠祀於水族有典祀田以修之者錫出金二百餘錢贖祠田邑令梁義之與弟雍睦無間

趙質中

採訪事實庠生族有少寡守節無子者人嫌其貧不肯與爲嗣中分已田數十畝爲立繼請旌歲饑族間有女已嚙爲人妾未行中急出費贖還爲擇婿備厚奩遣嫁焉

張炳

採訪事實太學生以王庄渡口當輦偃衝施地六畝歲收課修橋以濟行人

趙作相

採訪事實監生天性孝友好義樂施無德色

焦克誠

採訪事實由庠生例貢孝友性成力行善事不求人知

路應元

採訪事實慷慨好義嘗浚玉泉於南山人得灌溉之利修橋甃路孳孳不倦

鞏縣志

第三冊

卷之十三

人物

三

孫常壽

採訪事實庠生性孝廬父母墓日夜哭泣不絕夜有群狼環戶跳躍廬草盡墮忽若有逐之者狼去得無恙

馬賓王

採訪事實庠生力行孝友務踐所學年八十餘猶手不釋卷訓士嚴勵多所成就

崔克和

採訪事實庠生破產勞心二十餘年撫育孤子以延兄弟三人之嗣其他善事尤夥

雷召純

〔採訪事實〕家貧好義撫二甥成立賜卹鄉御老而不倦

于德榮

〔採訪事實〕性慷慨嘗買僱民王姓子為僕後聞其父乏嗣遣之歸並毀其身券

曹啟新

〔採訪事實〕太學生事繼母稱孝歲出金置棺以周貧人至今子孫猶以為常焉

圭 淮

章縣志

第三冊

卷之十三

人物

三

〔採訪事實〕精醫術遇貧施藥不索值並以粟帛周之歿後會葬者數百人皆平日所活者

康克明

〔採訪事實〕庠生性孝友親久卧病井水瀉鹵味苦日往南溪二里外取甘泉供飲數年不倦弟早世遺二孤撫之如已出

李 綦 李 荷

〔採訪事實〕綦太學生好學能文數音不遇與弟廩生荷終身友愛互相切劘荷所學亦有根柢

劉國相

採訪事實監生性孝遠族子貧無依相承父志爲完  
婚生子同居三世無間言尤能明卹里鄰子廩生士  
冠亦以好義聞

劉誠

採訪事實事父母曲盡色養和易謙恭爲鄉黨望

康中掄

採訪事實天性純篤父見督事母以孝稱力學能文  
弱冠舉孝廉司鐸鄆陵教士以立品爲先去官士人  
思之

張馨三

鞏縣志

第三冊

卷之十三

人物

善

採訪事實邑庠生字子參性孝友勤於學教授生徒  
成就甚多

董蘊

採訪事實太學生少以孝稱長好義嘗施義田十畝  
課租爲茶亭以利行人

張之祥

採訪事實息貢生以孝友稱教授生徒多所成就

馬渭

馬和祥

馬和榮

採訪事實渭監生克盡孝友遇貧乏出貲助之無德  
色族中和祥和榮兄弟亦以樂施稱

牛奇生

採訪事實天性醇篤事母脩色養侍疾謹湯藥衣不解帶者數月

謝熙

採訪事實性篤孝早孤奉母後病癱身負出入者且十年少嗜酒母病後滴瀝不沾唇母病哀毀倍至里閭憐之

張王聘

採訪事實庠生康熙季年嘗載粟一船值四百金至儀封值歲荒出貨於人遂折券不復求價

葦縣志

第二冊

卷之十三

人物

五

康樞

禮志邑庠生性孝友姊適閩門家貧且乏嗣樞體親心以成姊之節操康熙六十年歲飢鄰里有日不舉火者樞出粟不吝全活甚眾子中發增廣生中倫庚子舉人

李景泰

舊志性純孝竭力悅親歲歉進膳必豐潔親曰荒年谷不易得况若甘且適乎親股居喪合親人稱孝焉  
以上二條補逸



